



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno MCXVIII. ad annum MCLXXIX.

**Parisiis, 1644**

Epistola VI. Innocentii Papae II. Ad Gerardvm Tripolitanvm, R. Tortosanvm  
Et H. Byblitanvm Epsicopos. Eiusdem argumenti.

**urn:nbn:de:hbz:466:1-15588**

## EPISTOLA VI.

## INNOCENTII PAPÆ II.

AD GERARDVM TRIPOLITANVM, R. TORTOSANVM  
ET H. BYBLITANVM EPISCOPOS.

Eiusdem argumenti.

*Innocentius episcopus seruus seruorum Dei venerabilibus fratribus Gerardo Tripolitano, R. Tortosano, & H. Byblitano, episcopis salutem & apostolicam benedictionem.*

SCIRE debet vestra fraternitas, quoniam status ecclesiæ stunc clarius elucescit, cum gradus in ea constituti illæsi seruantur, & quæ debetur prælati singulis absque contentione seu contradictione reuerentia exhibetur. Vnumquemque etenim ex his qui subiecti sunt considerare conuenit, quanta suos prælatos, si quos habeat, reuerentia & honorificentia debeat honorare: quæ si iniuste & immerito subtrahantur, vnitatis status profecto nutabit, ad quem ecclesiastica doctrina ob maiorem firmitatem diligenti consideratione omnia in se ordinando reduxit. Ne igitur ecclesiarum vestrarum honor vel dignitas ob contentionem seu rebellionem indebitam minuat vel annulletur, per apostolica vobis scripta mandamus atque præcipimus, quatenus venerabili fratri nostro Fulcherio Tyrensi archiepiscopo tamquam metropolitano vestro debitam obedientiam & reuerentiam deferatis. Nos enim vos & ecclesias vestras Tyrensi ecclesiæ, quæ vestra metropolis est, auctoritate apostolica restituimus, & a iuramento vel fidelitate, qua patriarchæ Antiochæno estis adstricti, eodem modo absoluiamus. Si vero nostris mandatis obedire, & intra tres menses post harum acceptionem literarum ad obedientiam prædicti fratris nostri redire neglexeritis, sententiam, quam ipse in vos canonicè promulgabit, nos auctore Deo ratam habebimus. Datum Laterani decimo sexto Kalendas Februarii.

EPI-